

Headline	Calon SPM didedah teknik jawab soalan		
MediaTitle	Utusan Malaysia		
Date	01 Oct 2019	Color	Full Color
Section	Dlm Negeri	Circulation	107,609
Page No	42	Readership	322,827
Language	Malay	ArticleSize	357 cm <sup>2</sup>
Journalist	MOHD.SHARIZA ABDULLAH	AdValue	RM 7,121
Frequency	Daily	PR Value	RM 21,363



# Calon SPM didedah teknik jawab soalan

Oleh MOHD. SHARIZA ABDULLAH  
pengarang@utusan.com.my

■ PEKAN 30 SEPT.

**S**IRI jelajah Seminar Bimbingan Peperiksaan Sijil Pelajaran Malaysia (SPM) 2019 memanfaatkan kira-kira 250 calon peperiksaan itu di sekitar daerah ini yang mendapat pendedahan mengenai teknik menjawab dengan lebih tepat dan berkesan.

Seminar anjuran Kelab Tabung Haji (Taha) dan dikendalikan Berkat Minda Resources berkenaan disertai pelajar tingkatan lima dari sembilan sekolah dalam program yang diadakan di Institut Kemahiran Mara (IKM) Pekan di sini semalam.

Peserta terdiri daripada pelajar Sekolah Menengah Kebangsaan (SMK) Seri Pekan, SMK Pekan, SMK Indera Shahbandar, SMK Ahmad, SMK Dato Mahmud Mat, SMA Tg. Ampuan Fatimah, SMK Peramu Jaya, SMK Tengku Abdullah dan Sekolah Menen-



PELAJAR menyertai Seminar Bimbingan Peperiksaan SPM 2019 anjuran Taha dan dikendalikan Berkat Minda Resources di Pekan, Pahang, kelmarin.

gah Agama Al-Attas.

Timbalan Pengarah Lembaga Tabung Haji (Tabung Haji) negeri, Ahmad Hafizudin Abas berkata, seminar tersebut memberi pendedahan kepada pelajar tentang cara dan teknik menjawab kertas so-

lan peperiksaan mengikut skema pemarkahan Lembaga Peperiksaan Malaysia.

"Matlamat utama seminar ini juga bagi membantu mereka yang juga ahli Kelab Taha menduduki peperiksaan dengan lebih yakin

sebelum menghadapi peperiksaan sebenar hujung tahun ini."

"Di samping itu, program yang diadakan di IKM ini juga dapat memberi motivasi kepada pelajar apabila terdedah dengan suasana pembelajaran di insti-

tusi pengajian tinggi," katanya ketika merasmikan seminar tersebut.

Yang turut hadir, Pengarah Berkat Minda Resources, Nor Azni Mohd. Mokhtar; Pengurus Tabung Haji Cawangan Pekan, Ridzqoldin Saion dan Eksekutif Khidmat Pelanggan (Bahagian Khidmat Pelanggan) Tabung Haji, Mohd. Azizul Hakim Norilah.

Seminar berkenaan adalah program tanggungjawab sosial korporat (CSR) Tabung Haji menerusi Kelab Taha dan merupakan siri jelajah ke-13 daripada keseluruhan 14 program yang diadakan di seluruh negara.

Ia melibatkan subjek Bahasa Melayu, Sains dan Matematik kepada pelajar peringkat pertengahan bagi membantu mereka meningkatkan pemahaman dalam mata pelajaran tersebut yang mana peserta antaranya diberikan pendedahan kupasan soalan serta cara menjawab soalan peperiksaan dengan lebih berkesan.